


北京圖書館出版社

福建師範大學圖書館藏  
稀見方志叢刊



方寶川  
陳旭東◎主編

福建師範大學圖書館藏  
稀見方志叢刊

方寶川

陳旭東◎主編

13

北京圖書館出版社

金門縣志卷十八

列傳二

清

許元庸字世響號鳴和後浦人初名元鏞明崇禎間補府庠改  
今名清順治五年貝勒王帥師入閩廉其才薦授廣東樂昌  
知縣代篆廣寧地多虎患元鏞至一切利民事次第舉行虎  
迹去有山賊竊發勢甚熾官不能捕元庸單騎馳入寨陳說  
利害賊俯首聽命陞肇慶同知尋遷王府內史攝龍門印卒

於官

語洲見  
聞錄

陳觀泰榜名琬字允雅號止庵陽翟人健元孫陳健見  
明列傳明崇禎

癸酉舉人寬厚孝友清任儀封知縣聽訟持平催科不擾緝劇盜卻飛蝗捐修學宮完雉堞除雜稅革陋規儀人德而祀之及子睿思登第遂告歸建祠宇置儒租百六十餘石以勵孫曾卒年八十祀鄉賢府縣志

張汝瑚字夏鍾號虛巖青嶼人入府庠明崇禎壬午年舉人清順治乙未會試以乙榜授清源令邑里役久為累至即毅然釐革之羅白二都故有永濟渠逶迤三十里歲久淤塞被隣封豪右占耕汝瑚請於上官濬復之東於高白水屯營三鄉沃壤也自萬厯初被水後地荒民竄為集流亡給牛種躬自督墾皆成膏腴戶戶祝焉康熙七年恩詔賜高年米肉布有

差清源八十九以上者不下二百人逾百歲二人備車馬迎致與坐堂上躬袒割飲之邑賢書報罷已四科汝瑚建梗陽書院俾士肄業與相切劘是科丙午獲雋二人越次科己酉四人自是科第不絕而劉基振竟掄元皆其平日首拔士督撫大加敬重有兩省循良第一及三晉儀型之匾在任七年以盜案註誤百姓兩詣行在保留竟格於部議報罷在源候代囊無一錢薪水悉民供之去之日父老遮道號泣送至數十里隣封民亦為墮淚嗣起補安陸府通判卻例金以千計校士論文所賞識皆名士解元劉善錫其所首拔士也郡邑有水旱必議蠲賑得請方休性嗜學凡經史子集靡不熟

復玩味購求明代遺文三百餘家評隲選刻贈炙海內為文  
春和大雅泉中自王遵巖後罕有其匹所著有匏野初集二

集賢賞堂文集

府志鄭重高  
聯壁各序

黃晄字麗芳汶水頭人康熙辛酉舉人有卓概敦孝友授政和

教諭飭儀禮修廢墮士林戴之卒於官

府縣志

許承澎字伯崙後浦人貢生以從戎有功康熙間授河南鄆陵  
令丁父艱服闋起補江南儀真令在任有政聲當道交薦之

除松江府同知尋以老致仕歸

許氏家傳

許永忠後浦人康熙間以軍功授四川遵義府通判攝府篆進  
京值吳三桂之叛全蜀響應不能回任隨師効力招降偽總

兵姜應熊克復龍安成都既定乃就官後因事罷歸

許氏家譜

翁雲字高世盤山鄉人康熙十二年任海壇鎮總兵以善治海盜聞卒於官子乾錫亦善治海盜康熙三十八年以蔭署浙江嘉興府旋改授海山都司卒於任

翁炳忠字高超盤山鄉人國難逃出改姓鄭康熙五十一年任浙江嚴州通判請復姓在官廉明恩嚴並施卒於任

以上翁氏家譜

洪心澄字淳思號印川後豐港人移在坊年二十登康熙丙子舉人授河南偃師令丁外艱歸服除值臺匪朱一貴竊發提督施世驃延入幕中運籌制勝多出其謀事平未議叙而卒弟淳瑛康熙甲午舉人任松溪教諭調臺灣授江南六合令



調儀徵詳革陋規水蘖自矢剔奸除蠹吏畏民懷家居足跡

不入城市人欽仰之

府縣志

王孔彰字曾言山後人由晉江學中式康熙乙酉舉人授遷安令邑治遼濶稽保甲嚴緝捕閭閻安枕聽斷明決訟無留牘以剛直忤歸家徒四壁介然自守當值天旱祈雨邑長猶催科嚴急孔彰隨至城隍行禮昌言曰祈禱抑末也感召天和莫如省刑緩征邑長失色溫陵朱文公講院久荒廢陳於太守王廷諍廓清重修集士肄業其中時論偉之年九十餘卒

府志

黃鍾十七都汶水頭人康熙間以投誠功厯官雲南值吳逆叛



挾使降不屈。刖其足。全家被害。竟不從。寇平。事聞。特授浙江

溫處道。卒於官。

舊志黃廷選述

許盛字際斯。號武巖。後沙人。康熙三年。自海上率眾歸誠。授叅將銜。屯壘南贛。時三藩蠢動。閩粵荆湖諸寇躡入江右。贛為數省咽喉。盛率屯丁前後二十餘戰。解甯都楊家寨。富江等圍。復石城。萬安。泰和。上猶。龍泉等縣。招撫偽將嚴自明等。斬偽將陳昇數人。以功授南贛總兵。晉秩右都督。轉左。復剿崖石寨。降其魁朱明。授拖沙喇哈番。予世職。入覲。假歸葬親。盛少遭亂。失親骸。至是匍匐悲號。墟莽間。卒得其處。旋移鎮襄陽。道經武昌。值夏逢龍之亂。幽閉城中。身被四矢。以計脫。隨

大兵討平之。仁廟南巡，盛迎見于宿遷，驗閱箭傷，扈蹕旋京。挂總兵印，出鎮宣府，屢隨征，噶爾旦以老乞歸，捐三千八百金，修同邑文廟及明倫堂、鄉賢祠。卒於家。子廷瑞，商邱知縣。廷瑜，通判。廷瑤，常德知府。府縣志

周全斌，字邦憲，浦邊人，有文武才畧，嘗為刀筆吏於漳州。順治九年，鄭成功取海澄，全斌投謁，成功問策將安出。全斌對曰：「以大勢論之，藩主志在勤王，必先通廣西，達行在，會孫可望、李定國，連師粵東，出江西，從洞庭直取江南，是為上策。今李成棟已沒，廣州新破，是粵西之路未得通，徒自勞也。今且固守各島上，踞舟山，以分北來之勢，下守南澳，以遏南邊之侵。」

興販洋道以足糧餉然後取漳泉以為基業由汀郡福興水

陸並進則八閩可得矣成功大悅授房宿鎮按舊志不載全斌為鄭成功畫

策事今從小康熙元年兩島破海師多歸命全斌亦遣子入

質福州率所部從鎮海衛來歸封承恩伯四年靖海將軍施

琅統師討臺灣總督李率奏以全斌副之至青水溝遭風引

還召回京屯懇外郡有從征羅刹之勞臺灣外志周氏家譜

康熙功僦居金門浦東為金鎮右營千總康熙六十年帶戍兵

渡臺適朱一貴亂戰敗雜死屍中以免及府陷為賊所擒脫

入黃蘗寺為僧密製大清旗與把總周應遂輩謀內應事洩

逃匿破柙六日寺僧密送食得不死大兵入隨從殺賊克復

鹽水港當時有言在偽國公載穆處受汙總兵藍廷珍力言  
於制府為昭雪焉

東征集

洪就烈與人以經制外委從征朱一貴賊眾據鹿耳門砲臺叠  
發巨礮別遣小舟扼要來爭港道舊稱天險我師未敢進就  
率善水者十二人駕小艇同先鋒軍前驅冒死因入鹿耳門  
沿港插標大軍飛艍駢進轉戰皆捷遂克府城厯官碣石遊  
擊

東征集

董方金門人朱一貴倡亂陷郡總兵藍廷珍統兵進剿方以安  
平千總同守備林亮領先鋒軍賊目蘇天威率眾據鹿耳門  
砲臺礮矢雨集方同亮率快船冒死直進專攻火藥桶盡燔

之賊倉皇陣遂亂方登岸奪砲臺天威敗入安平鎮糾合鄭  
定瑞黨扼守海口兩先鋒奮勇前驅大兵繼之克安平賊復  
擁衆來犯我師再戰皆捷賊嬰城固守近村賊黨四出應援  
方鼓勇衝殺廷珍率兵夾擊俘馘無算遂復府治一貴率衆  
遁去方及諸將窮追之於大穆降及灣裡溪月眉潭等處至  
溝尾庄始擒獲焉方驍勇敢戰與亮功最偉故廷珍露布文  
有云忠勇冠乎三軍雄威溢於千艇非虛譽也累官閩安安

平副總兵

東征集

李耀先古寧頭人多膂力乾隆間嘗緝獲黃崎土盜累擢廈門  
前營守備歷廣東海門叅將陽江副將補虎門鎮總兵入覲

適有御史奏昇平日久營員率悞懦不習武事侍衛某以健  
鬪名奉命角藝勝之上悅賞載花翎調任雷瓊鎮子思高守  
備孫成龍把總舊志

江永泰後浦人籍隸海澄乾隆三十五年臺灣大穆降庄奸民  
黃教謀亂樹旗岡山永泰隨官軍剿捕屢戰有功協擒賊首  
鄭純黃芳等累官金門右營守備署左營遊擊子明澎湖把

總舊志

陳邦光後崎人為臺灣北路營千總林爽文之亂起事於大里  
找地距鹿港不遠泉民林湊倡眾起義邦光率百五十兵相  
為犄犄擒賊黨劉志賢鹿港得無恙時內地尚未知賊信有

同鄉諸生為草檄告變且言邦光捍衛狀徑由海舶遞達福州制軍據情入告得旨以都司補用

舊志

蔡攀龍字君寵號躍洲平林人狀貌雄偉聲如洪鐘少貧捕魚為業負販入市力兼數入市翁異之曰偉丈夫苟從戎當得富貴攀龍曰吾再應募再黜矣翁曰將軍以服飾取人耳子盍從我遊遂延至家妻以女為製戎裝以往鎮將奇之授外委拔廈門提標千總分汎玉洲賊來劫社率所部殪諸河鷺江賈舶被掠駕快哨扮商人誘獲之擢守備遷遊擊行保甲法禁網樁有碍舟行者醵鹽積弊虧秤嚴檄足之民德焉調澎湖遊擊乾隆五十一年彰化林爽文亂作同知楊廷理告



警於澎。即日率師渡郡。衆心乃定。遂於郡南二里許。濬溝築壘。未就而賊擁至。攀龍不為動。會楊廷理率義民出城夾擊。破之。賊復四面縱火攻城。攀龍領兵急擊。生擒陳元蔡茂等。郡賴以守。明年隨總兵郝壯猷征南路賊莊大田。克復鳳山。旋調回守郡。鳳山復陷。南路賊來攻郡。攀龍出紮桶盤棧。賊晝攻夜襲。為攀龍所掣。不得逞。忿曰。但剪若人。府城唾手破。乃傾衆圍其寨。攀龍橫陣衝殺。所當披靡。賊衆亦奮勇鏖戰。攀龍胸被刃傷。血流被地。尚能任馳突。自卯至酉。殲賊數百。黎明復戰。走之。按陳善所著福建通志列傳補編作初攀龍所乘神駿故所向無敵至是賊鎗幾及攀龍肩馬忽騰躍傷馬胷七寸不仆既解圍知賊必復至令時聞脩之黎明賊果至復擊走之與舊志所載異錄之脩考時聞

浙總督常青為將軍。渡臺見之。附其背曰。虎將也。自是賊稱為蔡老虎。見其旗幟。咸股栗去。一日賊鳳山所獲官印。請濟師。頃刻間羽書三至。攀龍結隊行。入蘆薄巷。賊突起圍數重。奮力鞭馬躍出得脫。既而南北路賊集攻府城。城其黨莊錫舍密謀歸正。攀龍與楊廷理乘勢急擊。追奔十餘里。進克南潭。擒偽元帥王坑郎等以歸。時總兵柴大紀駐軍諸羅。以虛實奇正生剋變換不測。制勝。攀龍駐軍郡南。以四塞土形扼險攻瑕制勝。比奏功。超授臺灣北路副將。旋偕副將貴林等救諸羅。取路鹿仔草。師行秋霖中。衣裝盡濕。鎗礮莫施。貴林及諸將弁陣亡。獨攀龍與叅將孫全謀突圍出。初攀龍慮東